



# Enfòmasyon sou varyòl senj



- **Viris varyòl senj lan ka fè w malad epi ba w maladi tankou gratèl oswa maleng (varyòl), souvan ak yon fo maladi grip depi anvan.**
- **Varyòl senj lan ka simaye atravè kontak sere, kontak pèsonèl oswa kontak po ak po ki fèt souvan.**



## Sentom

- Premye sentom varyòl senj ki sanble ak grip yo ka gen ladan yo lafyèv, maltèt, doulè nan mis, doulè nan do, ganglion lenfatik anfle, frison, ak fatig.
- Gratèl la parèt sou 1 a 3 jou (pafwa li pi long) apre lafyèv la, li souvan kòmanse nan figi a epi apre li gaye nan lòt pati nan kò a.
- Anjeneral, maladi a dire 2 a 4 semèn.



## Transmisyon

- Varyòl senj lan ka simaye pa mwayen:
  - Kontak dirèk ak gratèl, maleng oswa kal varyòl senj lan bay
  - Kontak ak objè, rad, dra, sèvyèt, oswa sifas yon moun ki gen varyòl senj itilize
  - Ti gout respiratwa oswa likid oral ki soti nan yon moun ki gen varyòl senj
- Varyòl senj lan ka simaye depi sou lè sentom yo kòmanse a jiskaske tout maleng yo geri, sa ki kapab pran plizyè semèn. Gen kèk moun ki ka bay lòt moun varyòl senj lan depi sou 1 a 4 jou anvan sentom yo parèt.



## Dènye grap varyòl senj

- Yo te siyale kèk ka varyòl senj dènyèman nan plizyè peyi ki nòmalman pa gen aktivite varyòl senj, tankou Etazini.
- Varyòl senj lan pwopaje sitou atravè kontak sere, kontak entim ak yon moun ki gen varyòl senj lan.



## Tretman ak Prevansyon

- Pa gen okenn tretman espesifik pou varyòl senj. Kòm viris ki lakoz varyòl senj lan ak sa ki lakoz varyòl yo sanble, yo ka itilize medikaman antiviral yo fè pou pwoteje kont varyòl yo pou yo trete varyòl senj lan nan yon fason ki efikas.
- Vaksen yo prefere itilize pou anpeche varyòl senj lan se JYNNEOS. Jwenn plis enfòmasyon: [nj.gov/health/monkeypox/vaccines](https://nj.gov/health/monkeypox/vaccines).



## Rekomendasyon pou Piblik la

- Risk pou gran piblik la jeneralman ba.
- Chèche swen medikal imedyatman si ou panse ou gen varyòl senj lan.
- Evite kontak sere ak moun ki malad, tankou moun ki gen blesi sou po yo oswa blesi nan patijenital yo.



## Pou Plis Enfòmasyon

- Kontakte founisè swen sante w pou kesyon medikal yo
- Vizite: [nj.gov/health/monkeypox](https://nj.gov/health/monkeypox)